



Broj: 04-GV-04-1206/22  
Sarajevo, 22.07.2022. godine

*ZAPISNIK O RADU*  
*15. SJEDNICE ETIČKOG VIJEĆA GRADSKOG VIJEĆA*  
*ODRŽANE 22.07.2022. GODINE*

Prisutni:

1. Dženana Dramalija, predsjedavajuća
2. Miodrag Jusić, član
3. Ahmed Hodžić, član
4. Dženan Mustafić, član
5. Edin Delimistafić, član

Odsutni: Edin Turkušić, zamjenik Predsjedavajuće, Hamdija Hasanović, član

Sjednici prisustvuju:

- Mila Eminović, sekretar Gradskog vijeća Grada Sarajeva,
- Aida Bajramović, rukovodilac Stručne službe za poslove kabineta i poslove Gradske uprave
- Amir Vrca, šef Odjeljenja za kabinetske poslove u Stručnoj službi za poslove Gradskog vijeća Grada Sarajeva,
- Zinaida Beširević, šef Odjeljenja za stručne poslove u Stručnoj službi za poslove Gradskog vijeća,

Predsjedavajuća Etičkog vijeća je u 15.16 sati otvorila sjednicu, pozdravila prisutne, utvrdila kvorum za rad.

Sjednica je započela razmatranjem i jednoglasnim usvajanjem Zapisnika o radu 14. sjednice Etičkog vijeća Gradskog vijeća održane 26.04.2022. godine.

Na prijedlog Predsjedavajuće, jednoglasno je usvojen sljedeći **dnevni red**:

1. Aktivnosti na izradi teksta novog Etičkog kodeksa izabranih i imenovanih funkcionera Grada Sarajeva
2. Tekuća pitanja

*TAČKA 1.*

*Aktivnosti na izradi teksta novog Etičkog kodeksa izabranih i imenovanih funkcionera Grada Sarajeva*

Uvodno izlaganje dala je Mila Eminović, sekretar Gradskog vijeća Grada Sarajeva, koja je na početku upoznala članove Etičkog vijeća da je gradonačelnica Grada Sarajeva postupajući u skladu sa zaključkom Etičkog vijeća, kao i zaključkom Kolegija Gradskog vijeća Grada Sarajeva, dana 28.06.2022. godine Rješenjem broj: 01/13-04-5086/22 imenovala Radnu grupu za pripremu Nacrta teksta Etičkog kodeksa, u sastavu:

- Mila Eminović, sekretar Gradskog vijeća Grada Sarajeva,
- Aida Bajramović, rukovodilac Stručne službe za poslove kabineta i poslove Gradske uprave,



- Amir Vrca, šef Odjeljenja za kabinetske poslove u Stručnoj službi za poslove Gradskog vijeća Grada Sarajeva,
- Zinaida Beširević, šef Odjeljenja za stručne poslove u Stručnoj službi za poslove Gradskog vijeća,
- Dženana Šarčević, šef Odsjeka za lokalno poslovanje u Gradskoj službi za lokalno poslovanje.

U nastavku uvodnog izlaganja iznijela je iscrpno obrazloženje o radnom materijalu u pripremi Nacrta Etičkog kodeksa koji je sačinila Radna grupa, i koji je dat članovima Etičkog vijeća na početku sjednice. Posebno je naglašeno da se prilikom izrade vodilo računa da se sačini sveobuhvatan i sadržajno kvalitetan materijalni i procesni propis koji će regulirati standarde i principe ponašanja izabranih i imenovanih funkcionera Grada Sarajeva u obavljanju funkcije, kao i postupak u slučaju povrede bilo kog principa i standarda.

Posije uvodnog izlaganja, Dženana Dramalija, predsjedavajuća Etičkog vijeća se zahvalila na uvodnom izlaganju kao i zalaganju Radne grupe na izradi materijala.

Poslije uvodnog izlaganja i diskusije, Etičko vijeće Gradskog vijeća jednoglasno je usvojilo sljedeće **zaključke**:

1. Etičko vijeće Gradskog vijeća konstatuje da je načelno saglasno sa radnim materijalom u pripremi Nacrta Etičkog kodeksa izabranih i imenovanih funkcionera Grada Sarajeva.
2. Članovi Etičkog vijeća će do održavanja sljedeće sjednice Etičkog vijeća koja će se održati **u srijedu 27.07.2022. godine u 14.00 sati**, dostaviti svoje primjedbe i sugestije na zvaničnu email adresu Gradskog vijeća Grada Sarajeva: [pisarnica@sarajevo.ba](mailto:pisarnica@sarajevo.ba), a koje će se potom razmatrati na toj istoj sjednici Etičkog vijeća zajedno sa predstavnicima Radne grupe i eventualno ugraditi u radni materijal u pripremi Nacrta Etičkog kodeksa izabranih i imenovanih funkcionera Grada Sarajeva.

## *TAČKA 2.*

### *Tekuća pitanja*

Pod ovom tačkom dnevnog reda nije bilo zaključaka.

*PREDSJEDAVAJUĆA ETIČKOG VIJEĆA*

*Dženana Dramalija, s.r.*

Predsjedavajuća Etičkog vijeća je u 16.05 sati zaključila rad 15. sjednice Etičkog vijeća Gradskog vijeća Grada Sarajeva.